

赤城志卷第二十五

山水門七

水

仙居

永安溪在縣西二百一十里大小二源小源出馮師山東流一百六里至曹村淺不可舟自曹村而下廣二十步勝小艇又東至妃姑與大源會廣三十步又東流六十七里而南勝二十石舟

曹溪在縣西九十里源出栝蒼嶺南流四十里入大溪嶺上有潭曰曹潭淳熙十四年令蘇光庭禱

嘉定赤城志

卷之二十五

臨海宋氏重梓

雨忽有物蜿蜒而出一黑一黃以磬承之躍而入遂迎止於潭下翌日大雨先是光庭夢有曹其姓者手二小龍而至及是符其夢問潭何名則曰曹遂築室以祠

樛溪在縣西二十里源出處婺温三州流至同蓼溪

入大溪

孟大武詩云樵斧斫雲春谷暗漁榔敲月夜溪寒人甚稱之

杜蜀溪在縣南二十里蜀王廟前頗窈險俗號杜濁

按廟記當為蜀也

彭溪在縣東二十里源出天台南流一百一十里入

大溪

蓼溪在縣西二十里源出永嘉杉岡北流一百十里
入大溪

南溪在縣西南二十九里源出永嘉杉岡北流五十
里入大溪

白水溪在縣東北四十里源出天台竹山溪南流一
百十五里入大溪

班溪在縣東五十八里源出天台縣竹山溪東流五
十里入大溪

馬嶺溪在縣西六十里源出東陽南流三十里入大
溪

嘉定赤城志

卷之二十五

二
臨海宋氏
重梓

柘溪在縣西六十里源出馬嶺東流三十里入大溪
瞿溪在縣西七十里源出東陽南流三十里入大溪
土瀆溪在縣西八十里源出紫巖山北流五十里入
大溪

石井溪在縣西一百四里源出東陽南流一百二十
里入大溪

朱溪在縣西一百六里一名木溪源出栝蒼嶺南流
四十里入瞿溪十里入大溪

嶺裏溪在縣西一百六里源出栝蒼嶺南流三十里
入大溪

左溪在縣西一百七十里源出永嘉杉岡北流四十里入大溪

眞溪在縣西一百七十四里源出馮師山東流四十三里入大溪

方溪在縣東一百七十八里源出永嘉北流一百二十里入大溪

慈溪在縣西一百八十里源出栝蒼嶺南流四十里入大溪

孟溪山潭五曰老公潭在縣北二十里曰山王潭在縣北二十五里曰孟椀潭在縣北三十五里曰

嘉定赤城志

卷之二十五

三 臨海宋氏重梓

馬篠潭在縣北三十里曰桂坑潭在縣北三十里按舊經馬篠卽石藤石棱二夫人溺死處皇

祐中令陳襄禱雨立應

陳有報雨詩二十韻有靈泉汲坎窞仙仗下麟

峒雷斧潛噴樹天波忽灑塵之句

柘溪潭在縣西北三十里近張阜山中有古湫名广潭泓深特甚前橫石檻廣三丈許修四丈有奇有石室可容百人巖貯聖僧像且有石虎石馬之類又有大古藤一根故老云常有青蛇繞護或斧之則流血焉下又有三湫湫外有泓水亦隨潮盈縮每翕乾則有雨居人常以爲候云

張阜潭在縣西北三十里山上其深峻處有石潭垂崖飛瀑林木森然至者神竦後以崖石摧墮龍不潛伏歛於山巔洞側涌一沙潭每水清則見長鮪焉會乞水必自石潭以次而升夜憩潭側旦則迎水而去每潮長則沙潭之波浸沒沙石湖退復平皆云龍之潛升以時變化蓋如此彭溪潭在縣北四十里支流疏爲四堰所溉田甚衆其旁修竹十頃民採擷以供衣食焉其後豪民奄據翦耨幾盡淳熙十四年因作新廟遂嚴樵採之禁云

三井潭在縣東北三十里

罨源潭三在縣西南四十里

天井潭在縣東六十里

馬鞍山潭在縣東六十里

左溪右溪潭在縣西南九十里韋羌深處

蒼山潭在縣東南一百里

深澄湖在縣東一十五里相傳開禧初有漁於此者

見巨魚長可二三丈因以物撻之獲一鱗如盃

自後出沒不常或以爲龍宅云

相湖在縣東一十五里水四時不涸常於網中得石

刻有相湖二字今尚存

虬湖在縣東一十五里以其水灣曲如虬故名今廢
黃赤湖在縣東南二十里修廣皆數丈水四時如沸
夏飲毛骨凜凜冬飲則如湯故老云皇祐中嘗
有龍出沒云

小西湖在縣西二十里吳給事芾所勅延袤數里傍
有亭館凡十數

磬湖在縣東南二十五里父老云常有磬浮水上光
采奪目故名

赤湖在縣西七十里其初烟水極目有赤眼巨魚長

嘉定赤城志

卷之二十五

五
臨海宋氏
重梓

丈餘游泳其中今不復存湖亦半爲田矣

蕁湖在縣東二十七里

蔡經井有九在縣東一十七里舊傳每汲其一八皆
波動兵火後存其五爾

瑤崩瀑在縣西五十里玉几山北源出項羽山流爲
二潭潭之下巖三面壁立端截深峭可環以坐
瀑緣壁而下或雨初霽則飛流濺沫廣至十丈
餘蓋奇觀也

民天泉在縣南三里

寧海

淮河源在縣東一百步桃源橋北經桐山羅坑湊黃
塹三十里入海周顯德三年令祖孝傑用水工
黃允德言謂縣北地坦夷宜鑿渠通海引舟入
渠以通百貨遂棄田七頃發民丁六萬浚之既
而渠成視其勢反卑於縣雖距海一舍而爲堰
者九重以兩山水暴漲齧蕩堰閘遂止不浚時
歲饑且寒役人多死或云今縣北千人坑蓋其
時叢冢也元祐六年羅提刑適重浚之亦無成
今故道存焉

廣度河在縣治外繞城如帶俗名玉帶水云

嘉定赤城志

卷之二十五

六
臨海宋氏
重梓

大溪在縣西四十里源出桃花坑牛頭潭等處舊自
草湖並山東行距邑頗遠元祐中羅提刑適檄
縣室之頗疏鑿使近邑今去溪無半里民以爲
便

夷吳溪在縣西一十里源出靈公馬魯風廉等處東
入海

白渚溪在縣北一十五里源出白嶠山流三十五里
入鄞縣

馬紫溪在縣北二十里源出白嶠山東北流入港

湖瀆溪在縣西南三十五里源出天台石橋等處流

至雙港渡入海

上白溪在縣南四十五里俗呼狐嘯溪源出天台華頂東北流八十里入餘魚溪又東流三十里入海

小鼈溪在縣南四十五里源出桐柏山東流二十里入海

東溪在縣南七十五里源出屈母山西北三十里入寧和溪

寧和溪在縣南九十里源出天台及屈母山北流四十里又東流一十里入海

嘉定赤城志

卷之二十五

七
臨海宋氏
重梓

車溪在縣南九十里彌望皆細沙沙出鐵屑冶者陶鍊成之

西溪在縣西北三十里

海游溪在縣南四十里東流五十里入海

峽溪在縣北六十里

柴溪在縣東北八十里

湫水潭三在縣東南一百里一名玉溪舊傳吳尚書屈晃生子坦坦偕其母隱於此尋化爲龍母亦尸解葬其處世所謂龍母山也隋開皇九年僧智顓自建業至薄暮覩一大廈莫知何所扣戶

有老嫗出迎顛已悟爲龍遂托宿焉姥云師遠
來何以幸教遂爲鋪說且戒曰旱宜施雨姥受
命惟謹翌日顛去回視其處已成湫矣按州城
隍廟記旣指爲屈坦今又以坦爲湫水龍則是
一人而主二祠豈神之變化固無方耶乾道四年加封
城隍誥詞云至今台嶺之人想見玉溪之蹟與
毋俱隱旣著一時之令名於民有功宜膺千秋
祀之命云

白龍潭在縣西二十五里其上崇巖插空雲氣瀕洞
世傳龍與茶山會見鱗甲澡瑩如玉雪然有一
嫗廬其前能以草木向背瞰龍出入其靈蹟甚

嘉定赤城志

卷之二十五

八

臨海宋氏
重梓

異

梁源潭在縣西三十里梁王山西磴棧險絕人跡罕
到嘉定四年旱令趙善鏐因謁梁祠讀古碑遂
訪求得之方致禱雷發兩崖雨如注石上有題
名不書姓

年但云述同緯謁蓋紹聖丙子令高述禱雨而
書也緯不知爲誰父老傳述禱此時亦曾有龍
見

驢潭在縣西北四十里龍鬚山上有蛟時出其首如
驢故以爲名山中崖石奇怪且多竅穴相傳鬼
神出沒其間

松巖潭三在縣西北七十里上潭險絕無徑中潭名

煎茶每禱則淪茗焉有瀑布瀉其下水清淺龜魚可數下潭圓徑三丈許上隘內寬水紺色莫知淺深乾道中禱雨僧墜鉢其中善水者沒而取之見其下若大堂第晃潔可愛有龍枕石臥忽驤其首沒者驚亟出俄而兩崖間水涌丈餘甘澍大洽焉

茶山黑龍潭三在縣北一百二十里其水三色中潭圓如井上有飛瀑瀉其下崖谷詰屈如三葉屏風上潭幾不可登

蘇思潭在縣西北一百二十里上有大木如屈蓋然

嘉定赤城志

卷之二十五

九
臨海宋氏
重梓

每禱祈文書不如式卽浮出或許雨則現燭光隱隱若蓮花山多虎豹蛇虺之屬

規城坑潭在縣東南一百三十里凡旱禱必飯粟羹鱸以祭得龜魚卽雨又有雙峰潭同在其處皆號險怪云

主簿潭在縣西二里崇教寺嶺下舊傳有一主簿出游以馬躍溺死不知其所在後能顯異出雲雨今半堙塞矣

石合潭在縣西一十里形如大石合故名凡禱雨送水必會於此

石洩潭在縣東南三十里圓崖上有一穴徑尺許水清且深

青雷潭在縣西北五十里其上一峯圓聳古木森翠樵者至必有蛇逐之每乞雨則得金鰻云

徐家潭在縣東北九十里接蓋蒼山每亢旱禱之則有雲氣蜿蜒如帶已而大雨

大澤潭在縣西南一百里大龍山上紹聖二年令高述禱雨嘗刻贊焉

石婆奧潭在縣東北六里
石門潭在縣北二十里源出剡中深不可測

嘉定赤城志

卷之二十五

十
臨海宋氏
重梓

帽尖山潭在縣東北三十里

規潭在縣西三十里梁王山東

白龍山潭在縣東四十里

大雪潭在縣西北八十里

方石潭在縣西北八十里

石龍竇在縣西北七十里龍公嶼竇在石壁下世傳

龍於此出入其展轉挨擦處猶有痕焉下爲大湫不知源所從來但見竇水瀉下噴激如飛練
崖上有石龍竇三字

孝女湖在縣西三十里平野中有山特立名塔山山

之麓有湖舊傳唐時有汪氏女苦節不嫁紡織以奉其親親好湖水其家距湖五里女日汲以供之親沒建塔報焉人遂以此名湖與山凡大旱取之不竭

青鏡湖在縣東南二里

草湖在縣西南一十里

九頃塘在縣西四十里包山吞麓其浸九頃歲產菡萏則旱生菱芡則豐土人候之甚驗有金銀鮒魚味絕美然有漁艇則覆焉其神異多此類

薛公井在縣東北九十步廣度坊側隆興二年令薛

嘉定赤城志

卷之二十五

十一

臨海宋氏
重梓

抗重建且亭其上按此至東驛凡八井位按北辰之次特廣且深自薛闔端餘次第贅治邑人蒙賴故以其姓名之其後井堙亭廢嘉定十六年齊守碩浚井復亭且爲之記云

市西井在縣西六十步名透瓶泉暑月以銀鐵等器汲之皆沁出寒冽特甚

後郭井在縣西九十七步淳熙十一年邑人蕭氏女重修

妙相寺前井在縣東一百一十六步

晟家街井在縣北一百七十步

桃源橋井在縣東一百八十步

方家井在縣東一百步

東驛井在縣東一百一十五步初鑿時於地中得石刻云下有石骨接天姥水旱如一隆興二年主簿黃樛斲治之

新泉井在縣學講堂前紹熙五年因有泉溢出令李知微浚之

石井在縣西北五十里閬風臺上

石井在縣西北八十里崖上近石龍竇圓廣丈餘深不可測下有石鑊圍一丈深四尺許其凹窪處

嘉定赤城志

卷之二十五

十二

臨海宋氏
重梓

正如鑊然蓋溪水所經也或有石墜井歲月摩盪盡爲圓石以出今邑人多有之

麻源水簾在縣西七十里有洞深廣可坐十數人瀑

水緣崖而下日照如水晶簾盛夏有寒氣

冷水泓在縣西五里旱不枯涸夏冽而冬溫

尾閭在縣東海中與海門馬筋相直惟高山可望其水湍急陷爲大渦者十餘舟楫不敢近舊傳爲

東海洩水處

詳見夷
堅志

雁蒼瀑在縣西北四十里大壑中雙崖壁立瀑從空飛注石上聲如雷霆餘沫噴灑暑時若秋旁多

亂石可坐上有龍井土人以綆測之深百六十
尋泐磴數丈有小石洞洞中石紋如龍鱗燁燁
有光上有石窗唐末有道士居之自言江州人
常取松葉茯苓以自給年百餘歲不知所終